



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Passio Sanctorvm Martyrvm, Getulij, Amantij, Cerealis,
Primitiui, Symphorosae, ac septem filiorum**

Cardulo, Fulvio

Romae, 1588

Passio Ss. Symphorosae Et Septem Filiorvm

urn:nbn:de:hbz:466:1-9427

SS. SYMPHOROSAE
ET SEPTEM FILIORVM

EX PLVRIBVS BONAE FIDEI

codicibus, qui litteris Longobardicis

scripti in antiquis bibliothecis, &

sacrarum Basilicarum tabu-

larijs asseruantur,

ex scripta.



VSEBIVS historiogra-
phus memorat Africanum
pœnè omnium de vrbe re-
gia atq. de tota Italia Chri-
sti martyrum res gestas cõ-
scripsisse. Inter quos B. Symphorosam
viduam dixit apud Tiburtinam urbem
cum septem filijs suis vna fermè die ab
Hadriano Principe hoc ordine interfe-
ctam. Cum fabricasset Hadrianus pala-
tium, & id dedicare vellet ritu illo nefar-
io, cœpissetque sacrificijs, Idolorum ac
Dæmonum, qui in Idolis habitant, flagi-
tare responsa: responderunt, & dixerūt,
Symphorosa vidua cū septem filijs suis
laniat nos, quotidie inuocando Deum

D 2 suum.

suum. Ista itaque si cum filijs suis sacrificauerit, promittimus nos omnia præstare, quæ petitis. Tunc Hadrianus Imperator iussit eam teneri cum filijs, & blandis eos sermonibus hortabatur, vt ad sacrificandum Idolis consentirent, cui B. Symphorosa dixit, Vir meus Getulius (*aliàs Zoticus*) cum fratre suo Amantio, Tribuni tui, cum sint ambo pro Christi nomine passi diuersa supplicia, ne Idolis consentirent ad immolandum, quasi boni athletæ, Dæmones tuos moriendo vicerunt. Elegerunt enim magis decollari, quàm vinci, passi mortem, quæ pro nomine Christi suscepta, inter homines terrenos quidem ignominiam eis peperit temporalem, inter Angelos vero decus & gloriam sempiternam: inter quos nunc gradientes, & trophæa passionum suarum dantes, cum æterno Rege vita æterna fruuntur in cælis. Hadrianus Imp. dixit ad S. Symphorosam, Aut cum filijs tuis sacrifica Dijs omnipotentibus, aut te ipsam cum filijs tuis sacrificari faciam. B. Symphorosa respondit; Et vnde mihi tantum boni, vt ego merear cū
filijs

filijs meis offerri hostia Deo? Hadrianus Imp. dixit; Ego te Dijs meis sacrificari faciã; B. Symphorosa respondit; Dij tui me in sacrificium accipere non possunt; sed si pro nomine Christi Dei mei incensa fuero, illos Dæmones tuos magis exuro. Hadrianus Imp. dixit. Elige tibi vnũ ex duobus, aut sacrificata Dijs meis, aut malo interitu finieris. B. Symphorosa respondit, Tu existimas quòd possit animus meus aliquo terrore mutari, cum ego desiderem cum viro meo Zotico (*alias Getulio*) quem pro Christi nomine interfecisti, requiescere? Tunc Hadrianus Imp. iussit eam duci ad fanum Herculis, & ibi primo alapis cædi, & post hæc capillis suspendi; sed cum nulla ratione nulloq. timore posset eam à bono proposito reuocare, iussit eam alligato ad collum ingenti saxo in flumen præcipitari, cuius corpus colligens frater eius Eugenius, principalis curiæ Tiburtinæ, in suburbano eiusdem ciuitatis sepeliuit. Alia vero die iussit Hadrianus Imp. simul omnes septem filios eius sibi præsentari; quos cum ad sacrificandum Ido-

lis prouocaret, & nullo pacto eos videret suis minis atq. terroribus cōsentire, iussit circa Herculis templum septem stipes figi, & ibi eos ad trochleas extendi; & primum Crescentem præcepit in gutture transfigi, secūdum Iulianum in pectore pungi, tertium Nemesium in corde percuti, quartum Primitium in vmbilico vulnerari, quintum Iustinum auersum per dorsum perforari gladio, sextum Stacteum in latere vulnerari, septimum vero Eugenium à summo vsq. deorsum findi. Altera vero die veniens Hadrianus Imp. ad fanum Herculis, iussit corpora eorum simul auferri, & projici in foueam altam; & imposuerunt Pontifices nomen loco illi, Ad septem Biothanatos. Post hæc quieuit persecutio anno vno, & mensibus sex; In quo spatio omnium martyrum honorata sunt sancta corpora, & constructis tumulis condita cum omni diligentia: quorum nomina descripta sunt in libro vitæ. Natalis vero sanctorum martyrum Christi, Beatæ scilicet Symphorosæ, & septem filiorum eius, Crescentis, Iuliani, Nemesij,

ſij, Primitiui, Iuſtini, Staſtei, & Eugenij
 celebratur ſub die xv. Kal. Aug. Eorum
 corpora requieſcunt in via Tiburtina,
 milliario ab vrbe octauo (*aliàs nono*)
 regnante Domino Noſtro I E S V Chri-
 ſto, cui eſt honor & gloria in ſæcula ſæcu-
 lorum, Amen.

In aliquibus exemplaribus additum eſt, Olim
 requieuerunt via Tiburtina, &c. Nunc
 autem auxiliante Domino requieſcunt
 in vrbe Roma in Baſilica B. Archangeli
 Michaelis, regnante, &c.